

唐
音
統
籤

丁籤九十三白居易之四十九

唐音統籤卷

四百四十八

七言絕句二

長慶前集

重到城七絕句

見元九

容貌一日減一日心情十分無九分每逢陌路猶
嗟歎何況今朝是見君

高相宅

青苔故里懷恩地白髮新生抱病身涕淚雖多無
哭處永寧門館屬他人

張十八

諫垣幾見遷遺補憲府頻聞轉殿監獨有詠詩張
太祝十年不改舊官銜

劉家花

劉家牆上花還發李十門前草又春處處傷心心
始悟多情不及少情人

裴五

莫怪相逢無笑語感君思舊戟門前張家伯仲偏
相似每見清揚一惘然

仇家酒

年年老去歡情少處處春來感事深時到仇家非

愛酒醉時心勝醒時心

恒寂師

舊遊分散人零落如此傷心事幾條
會逐禪師坐禪去一時滅盡定中消

靖安北街贈李二十

榆莢拋錢柳展眉兩人並馬語行遲
還似往年安福寺共君私試却迴時

賦得聽邊鴻

驚風吹起塞鴻羣半拂平沙半入雲
爲問昭君月下聽何如蘇武雪中聞

見楊弘貞詩賦因題絕句以自諭

賦句詩章妙入神
末年三十卽無身
常嗟薄命形
憔悴若比弘貞是
幸人

和元八侍御升平新居四絕句

時方與元
八十隣

看花屋

忽驚映樹新開屋
却似當簷故種花
可惜年年紅似火
今春始得屬元家

累土山

堆土漸高山意出
終南移入戶庭閒
玉峯藍水應

惆悵恐見新山忘舊山

元八舊居
在藍田山

高亭

亭脊太高君莫拆東家留取當西山好看落日斜
銜處一片春嵐映半環

松樹

白金換得青松樹君既先栽我不栽幸有西風易
憑仗夜深偷得好聲來

醉後却寄元九

蒲池村裏匆匆別灑水橋邊兀兀迴行到城門殘
酒醒萬重離恨一時來

重到華陽觀舊居

憶昔初年三十二當時秋思已難堪若爲重入華陽院病鬢愁心四十三

荅勸酒

莫怪近來都不飲幾迴因醉却沾巾誰料平生狂酒客如今變作酒悲人

題王侍御池亭

朱門深鎖春池滿岸落薔薇水浸莎華竟林塘誰是主人翁來少客來多

聽水部吳員外新詩因贈絕句

木石仙郎白雪歌和人雖少愛人多明朝說向詩

家道水部如今不姓何

兩夜憶元九

天陰一日便堪愁何況連宵雨不休
一種雨中君最苦偏梁閣道向通州

雨中携元九詩訪元八侍御

微之詩卷憶同開暇日多應不入臺
好句無人堪共誦衝泥蹋水就君來

寄生衣與微之因題封上

淺色縠紗輕似霧紡花紗袴薄如雲
莫嫌輕薄但知著猶恐通州熱殺君

白牡丹

白花冷淡無人愛，亦占芳名道牡丹。
應是東宮白贊善，被人還喚作朝官。

夢舊

別來老大苦修道，鍊得離心成死灰。
平生憶念消磨盡，昨夜因何入夢來。

戲題盧秘書新移薔薇

風動翠條腰嫋娜，露垂紅萼淚闌干。
移他到此須爲主，不愛花人莫使看。

曲江夜歸聞元八見訪

自入臺來見面稀
班中選得揖容輝
早知相憶來相訪
悔待江頭明月歸

苦熱題恒寂師禪室

人人避暑走如狂
獨有禪師不出房
可是禪房無熱到
但能心靜即身涼

病中荅招飲者

顧我鏡中悲白髮
儘君花下醉青春
不緣眼痛兼身病
可是樽前第二人

鷲子樓三首 并序

徐州故尚書張有愛效曰
眈眈善歌舞雅多風態
予爲校書郎時遊徐泗間
張尚書宴予酒闌

出眇眇以佐飲歡甚予因贈詩云醉嬌勝不得
風嫋牡丹花盡歡而去邈後絕不相聞迨茲僅
一紀矣昨日司勳員外郎張仲素續之訪予因
吟詩詩有燕子樓三首詞甚婉麗詰其由爲眇
眇作也續之從事武寧軍累年頗知眇眇始未
云尚書旣沒歸葬東洛而彭城有張氏舊第第
中有小樓名燕子眇眇念舊愛而不嫁居是樓
十餘年幽獨塊然于今尚在予愛續之新詠感
彭城舊遊因同
其題作三絕句

滿窗明月滿簾霜被冷燈殘拂臥牀燕子樓中霜
月夜秋來只爲一人長

鈿暈羅衫色似煙幾回欲著卽潛然自從不舞霓
裳曲疊在空箱十一年

今春有客洛陽回曾到尚書墓上來見說白楊

作柱爭教紅粉不成灰

初貶官過望秦嶺

此後江州
路上作

草草辭家憂後事遲遲去國問前途望秦嶺上回
頭立無限秋風吹白鬚

藍橋驛見元九詩

詩中云江陵
歸時逢春雪

藍橋春雪君歸日秦嶺秋風我去時每到驛亭先
下馬循牆遶柱覓君詩

韓公堆寄元九

韓公堆北澗西頭冷雨涼風拂面秋努力南行少
惆悵江州猶似勝通州

發商州

商州館裏停三日待得妻孥相逐行若比李三猶
自勝兒啼婦哭不聞聲

武關南見元九題山石榴花見寄

往來同路不同時前後相思兩不知行過關門三
四里榴花不見見君詩

紅鸚鵡

商山路逢

安南遠進紅鸚鵡色似桃花語似人文章辯慧皆
如此籠檻何年出得身

題四皓廟

聽崔七妓人箏

花臉雲鬟坐玉樓十三絃裏一時愁
憑君向道休彈去白盡江州司馬頭

望江州

江迴望見雙華表知是潯陽西郭門
猶去孤舟三四里水煙沙雨欲黃昏

宿西林寺

木落天晴山翠開愛山騎馬入山來
心知不及柴桑令一宿西林便欲回

柴桑令劉遺民是也

代春贈

山吐晴峯水放光
辛夷花白柳梢黃
但知莫作江西意
風景何曾異帝鄉

荅春

草煙低重水花明
從道風光似帝京
其奈山猿江上叫
故鄉無此斷腸聲

惜落花贈崔二十四

漠漠紛紛不奈何
狂風急雨兩相和
晚來悵望君知否
枝上稀疎地上多

發山櫻桃

亦知官舍非吾宅
且劘山櫻滿院栽
上佐近來多

五考少應四度見花開

見紫薇花憶微之

一叢暗澹將何比
淺碧籠裙襯紫巾
除卻微之見
應愛人間少有別花人

過鄭處士

聞道移居村塢間
竹林多處獨開關
故來不是求
他事暫借南亭一望山

題廬山山下湯泉

一眼湯泉流向東
浸泥澆草煖無功
驪山溫水因
何事流入金鋪玉甃中

秋熱

西江風候接南威暑氣常多秋氣微
猶道江州最涼冷至今九月着生衣

階下蓮

葉展影翻當砌月花開香散入簾風
不如種在天池上猶勝生於野水中

廳前桂

天台嶺上凌霜樹司馬廳前委地叢
一種不生明月裡山中猶校勝塵中

聞李十一出牧豐州崔二十二出牧果州因

寄絕句

平生相見卽眉開
靜念無如李與崔
各是天涯爲刺史
緣何不覓九江來

上香爐峯

倚石攀蘿歇病身
青筇竹杖白紗巾
他時畫出廬山障
便是香爐峯上人

三月三日登庾樓寄庾三十二

三日歡遊辭曲水
二年愁臥在長沙
每登高處長相憶
何況茲樓屬庾家

大林寺桃花

寺在香爐峯人跡罕到居易有記云千時孟夏如正二月天

始花澗草猶短人物風候與平地聚落不同若別造一世界者

人間四月芳菲盡
山寺桃花始盛開
長恨春歸無覓處
不知轉入此中來

箬峴東池

箬峴亭東有小池
早荷新荇綠參差
中宵把火行人發
驚起雙棲白鷺鷥

建昌江

建昌江水縣門前
立馬教人喚渡船
忽似往年歸蔡渡
草風沙雨渭河邊

哭從弟

傷心一尉便終身
叔母年高新婦貧
一片綠衫消不得
腰金拖紫是何人

臨水坐

昔爲東掖垣中客
今作西方社內人
手把楊枝臨水坐
閒思往事似前身

戲贈李十三判官

垂鞭相送醉醺醺
遙見廬山指似君
想君初覺從軍樂
未愛香爐峯上人

讀靈徹詩

東林寺裏西廊下
石片鐫題數首詩
言句怪來還

校別看名知是老湯師

聽李士良琵琶

人各賦二
十八字

聲似胡兒彈舌語愁如塞月恨邊雲聞人暫聽猶
眉歛可使和蕃公主聞

閒吟

自從苦學空門法銷盡平生種種心唯有詩魔降
未得每逢風月一閒吟

戲問山石榴

小樹山榴近砌栽半含紅萼帶花來爭知司馬夫
人妬後到庭前便不開

湖上閒望

藤花浪拂紫茸條，菰葉風飄綠剪刀。
閒弄水芳生楚思，時時合眼詠離騷。

夢微之

十二年八月二十二日夜

晨起臨風一惆悵，通川溢水斷相聞。
不知憶我因何事，昨夜三迴夢見君。

題韋家泉池

泉落青山出白雲，縈村遶郭幾家分。
自從引作池中水，深淺方圓一任君。

點額魚

龍門點額意何如紅尾青鬢却返初見說在天行
兩苦爲龍未必勝爲魚

聞龜兒詠詩

麟渠已解詠詩章挫膝支頤學二郎莫學二郎吟
太苦纔年四十鬢如霜

對酒

未濟卦中休卜命叅同契裏莫勞心無如飲此消
愁物一餉愁消直萬金

東墻夜合樹去秋爲風雨所摧今年花時悵
然有感

碧蕙紅縷今何在風雨飄將去不回惆悵去年墻
下地今年唯有薺花開

病起

病不出門無限時今朝強出與誰期經年不上江
樓醉勞動春風颺酒旗

夢亡友劉太白同遊彰敬寺

三千里外臥江州十五年前哭老劉昨夜夢中彰
敬寺歿生魂魄慙同遊

與果上人歿時題此訣別兼簡二林僧社

本結菩提香火社爲嫌煩惱電泡身不須惆悵從

師去先請西方作主人

劉十九同宿

時淮寇初破

紅旗破賊非吾事黃紙除書無我名
惟共嵩陽劉處士圍碁賭酒到天明

衰病

老辭遊冶尋花伴病別荒狂舊酒徒
更恐五年三歲後些些談笑亦應無

題詩屏風絕句

并序

十二年冬微之猶滯通州予亦未離滄上相去
萬里不見三年鬱鬱相念多以吟咏自解前後
辱微之寄示之作殆數百篇雖藏篋中永以爲
好不若置之坐右如見所思繇是綴律句中短

小麗絕凡一百首題錄合爲一屏風舉目會心
參若其人在於前矣前輩作事多出偶然則安
知此屏不爲好事者所傳異日作九
江一故事爾因題絕句聊以獎之

相憶采君詩作障自書自勘不辭勞障成定被人
爭寫從此南中紙價高

荅微之

微之于閩州西寺手題予詩予又以
微之百篇題此屏上各以絕句報荅

君寫我詩盈寺壁我題君句滿屏風與君相遇知
何處兩葉浮萍大海中

戲荅諸少年

顧我長年頭似雪饒君壯歲氣如雲朱顏今日雖
欺我自髮他時不放君

題崔使君新樓

憂人何處可銷憂，碧甃紅欄溢水頭。
從此潯陽風月夜，崔公樓替庾公樓。

贈曇禪師

夢中作

五年不入慈恩寺，今日尋師始一來。
欲知火宅焚燒苦，方寸如今化作灰。

醉吟二首

空王百法學未得，姹女丹砂燒卽飛。
事事無成身老也，醉鄉不去欲何歸。

兩鬢千莖新似雪，十分一盞欲如泥。
狂又引詩

魔發日午悲吟到日西

湖亭與行簡宿

潯陽少有風情客
招宿湖亭盡却回
水檻虛涼風月好
夜深惟共阿連來

贈江客

江柳陰寒新雨地
塞鴻聲急欲霜天
愁君獨向沙頭宿
水遶蘆花月滿船

問韋山人山甫

身名身事兩蹉跎
試就先生問若何
從此神仙學得否
白鬚雖有未爲多

送蕭鍊師步虛詞十首卷後以二絕繼之

欲上瀛洲臨別時贈君十首步虛詞天仙若愛應
相問可道江州司馬詩

花紙瑤緘松墨字把將天上共誰開試呈王母如
堪唱發遣雙成更取來

贈李兵馬使

身得貳師餘氣槩家藏都尉舊詩章江南別有樓
船將燕頰虬鬚不姓楊

三月三日懷微之

良時光景長虛擲壯氣風情已闌銷忽憶同爲校

書日每年同醉是今朝

洪州逢熊孺登

靖安院裏辛夷下
醉笑狂吟氣最麤
莫問別來多少
若低頭看取白髭鬚

初着刺史緋荅賀客

銀章蹙假爲專城
賀客來多懶起迎
似挂緋衫衣架上
朽枝枯竹有何榮

別草堂三絕句

正聽山鳥向陽眠
黃紙除書落枕前
爲感君恩須
蹙起爐烽不擬住
多年

久眠褐被爲居士忽挂緋袍作使君身出草堂心
不出廬山未要勒移文

三間茅舍向山開一帶山泉遶舍迴山色泉聲莫
惆悵三年官滿却歸來

鍾陵餞送

翠幕紅筵高在雲歌鍾一曲萬家聞路人指點滕
王閣看送忠州白使君

丁籤九十三白居易

之五

唐音統籤卷

四百四十九

七言絕句三

長慶前集

戲贈戶部李巡官

好語民曹李判官少貪公事且謀歡男兒未炊爭
能料莫作忠州刺史看

題峽中石上

巫女廟花紅似粉昭君村柳翠於眉誠知老去風
情少見此爭無一句詩

贈康叟

八十秦翁老不歸南賓太守乞寒衣再三憐汝非

唐音統籤

卷四百四十九

三六

丁

他意夫寶遺民見漸稀

木蓮樹生巴峽山谷間巴民亦呼爲黃心樹
大者高五丈涉冬不凋身如青楊有白文葉
如桂厚大無春花如蓮香色艷膩皆同獨房
蓋有異四月初始開自開迨謝僅二十日忠
州西北十里有鳴玉谿生者穠茂惜其遐僻

因題三絕句云

本傳忠州峽路深險處花木
多奇居易在郡爲木蓮蕪枝

圖寄朝中親友各記其狀以三絕賦之有
天教拋擲在深山之句咸傳于都下好事

者喧然

模寫

如折芙蓉栽旱地似拋芍藥挂高枝雲埋水隔無

人識唯有南賓太守知

紅似臙脂膩如粉傷心好物不須臾山中風起無
時節明日重來得在無

已愁花落荒巖底復恨根生亂石間幾度欲移移
不得天教拋擲在深山

聽竹枝贈李侍御

巴童巫女竹枝歌懊惱何人怨咽多
聽遣君猶
悵望長聞教我復如何

寄胡餠與楊萬州

胡麻餠樣學京都
麵脆油香新出爐
寄與饑饒楊

大使嘗看得似輔興無

畫木蓮花圖寄元郎中

花房膩似紅蓮朶艷色鮮如紫牡丹唯有詩人能
解愛丹青寫出與君看

九日題塗谿

蕃艸席鋪楓葉岸竹枝歌送菊花杯明年尚作南
賓守或可重陽更一來

和萬州楊使君四絕句

競渡

競渡相傳爲汨羅不能止過意無他自經放逐來

憔悴能校靈均歟幾多

江邊艸

聞君澤畔傷春草憶在天門街裏時
漠漠萋萋愁滿眼就中惆悵是江離

嘉慶李

東都綠李萬州栽君手封題我手開
把得欲嘗先悵望與渠同別故鄉來

白槿花

秋薜晚英無艷色何因栽種在誰家
使君自別羅敷面爭解回頭愛白花

望郡南山寄行簡

臨江一嶂白雲閒
紅綠層層錦繡斑
不作巴南天外意
何如昭應望驪山

和行簡望郡南山

反照前山雲樹明
從君苦道似華清
試聽腸斷巴猿叫
早晚驪山有此聲

種荔枝

紅顆珍珠誠可愛
白鬚太守亦何癡
十年結子知誰在
自向庭前種荔枝

東樓醉

天涯深峽無人地歲暮窮陰欲夜天不向東樓時
一醉如何擬過二三年

東樓招客夜飲

莫辭數數醉東樓除醉無因破得愁唯有綠樽紅
燭下麈時不似在忠州

醉後戲題

自知清冷似冬凌每被人呼作律僧今夜醉醺羅
綺煖被君融盡玉壺冰

竹枝詞四首

猩猩峽口水烟低白帝城頭月向西唱到竹枝聲

咽處寒猿聞鳥一時啼

竹枝苦怨怨何人夜靜山寒歇又聞蠻兒巴女齊
聲唱愁殺江樓病使君

巴東船舫上巴西波面風生雨脚齊水蓼冷花紅
簇簇江蘼濕葉碧淒淒

江畔誰人唱竹枝前聲斷咽後聲遲怪來調苦緣
詞苦多是通州司馬詩

寄楊萬州四望樓

江上新樓名四望東西南北水茫茫無由得與君
攜手同凭欄一望一望鄉

荅楊使登樓見憶

忠萬樓中南北望南州烟水北州雲兩州何事偏
相憶各是籠禽作使君

題東樓前李使君所種櫻桃花

身入青雲無見日手栽紅樹又逢春唯留花向樓
前看故故拋愁與後人

送高侍御使廻因寄楊八

明月峽邊逢制使黃茆岸上是忠州到城莫說忠
州惡無益虛交楊八愁

奉酬李相公見示絕句

早夜聞國哀

唐音統鑑

卷四百四十九

五

二十六

丁

碧油幢下捧新詩
榮賤雖殊共一悲
涕淚滿襟君莫怪
甘泉侍從最多時

戲贈蕭處士清禪師

三杯鬼我忘機客
百納頭陀任運僧
又有放慵巴郡守
不營一事共騰騰

錢虢州以三堂絕句見寄因以本韻和之

同事空王歲月深
相思遠寄定中吟
遙知清淨中和化
祇用金剛三昧心

余早歲與錢君同習讀金剛三昧經故云

三月三日

暮春風景初三日
流世光陰半百年
欲作閑遊無

好伴半江惆悵却回船

寒食夜

四十九年身老日一百五夜月明天抱膝思量何
事在癡男駮女喚鞦韆

代州民間

龍昌寺底開山路巴子臺前種柳林官職家鄉都
忘却誰人會得使君心

荅州民

宦情抖擻隨塵去鄉思磨銷逐日無唯擬騰騰作
閒事遮渠不道使君愚

荔樓樓對酒

荔枝新熟雞冠色燒酒初開琥珀香欲摘一枝傾
一盞西樓無客共誰嘗

醉後贈人

香毬趁拍迴環匝花盞拋巡取次飛自入春來不
同醉那能夜去獨先歸

別種東坡花樹兩絕

三年留滯在江城艸樹禽魚盡有情何處殷勤重
回首東坡桃李種新成

花林好住莫顛顛春至但知依舊春樓上明年新

太守不妨還是愛花人

別橋上竹

穿橋迸竹不依行恐礙行人被損傷我去自慙遺
愛少不教若得侶甘棠

棣華驛見楊八題夢兄弟詩

遙聞旅宿夢兄弟應爲醒亭名棣華名作棣華來
早晚自題詩後屬楊家

商山路驛桐樹昔與微之前後題名處

與君前後多遷謫五度經過此路隅笑問中庭老
桐樹這迴歸去免來無

殘春曲

禁中口號

禁苑殘鶯三四聲
景遲風慢暮春情
日西無事墻陰下
閒蹋宮花獨自行

長安春

青門柳枝軟無力
東風吹作黃金色
街東酒薄醉易醒
滿眼春愁消不得

長樂坡送人賦得愁字

行人南北分征路
流水東西接御溝
終日坡前恨離別
設名長樂是長愁

期不至

紅燭青樽又延佇出門入門天欲曙星稀月落竟
不來烟柳隴隴鵲飛去

長洲苑

春入長洲艸又生鸚鵡飛起少人行年深不辨娃
宮處夜夜蘇臺空月明

憶江柳

曾栽楊柳江南岸一別江南兩度春遙憶青青江
岸上不知攀折是何人

三年別

悠悠一別已三年相望相思明月天腸斷青天望

明月別來三十六回圓

傷春詞

深淺簷花千萬枝，碧紗牕外轉黃鸝。
殘粧含淚下簾坐，盡日傷春春不知。

後宮詞

淚濕羅巾夢不成，夜深前殿按歌聲。
紅顏未老恩先斷，斜倚薰籠坐到明。

吳七郎中山人待制班中偶贈絕句

金馬東門隻日開，漢庭待詔重仙才。
第二松樹非華表，那得遼東鶴下來。

寄題忠州小樓桃花

再遊巫峽知何日總是秦人說向誰長憶小樓風
月夜紅欄干外兩三枝

朝廻和元少尹絕句

朝客朝回回望好盡紆朱紫佩金銀此時獨與君
爲伴馬上青袍唯兩人

重和元少尹

鳳閣舍人京亞尹白頭俱未著緋衫南宮起請無
消息朝散何時得入銜

醉後

酒後高歌且放在門前閒事莫思量猶嫌小戶長
先醒不得多時住醉鄉

紫薇花

絲綸閣下文章靜鐘鼓樓中刻漏長獨坐黃昏誰
是伴紫薇花對紫薇郎

後宮詞

雨露由來一點恩爭能遍布及千門三千宮女胭
脂面幾個春來無淚痕

馮閣老處見與嚴郎中酬和詩因戲贈絕句
乍來天上宜清淨不用回頭望故山縱有舊遊君

莫憶塵心起卽墮人間

立秋日登樂遊園

獨行獨語曲江頭回馬遲遲上樂遊
蕭颯涼風與衰鬢誰教計會一時秋

夜箏

紫袖紅絃明月中自彈自感闌低容絃凝指咽聲
停處別有深情一萬重

舊房

遠壁秋聲蟲絡絲入簷新影月低簷牀帷半故簾
旌斷仍是初寒欲夜時

慈恩寺有感

時杓直初逝
居敬方病

自問有何惆悵事
寺門臨入却遲迴
李家哭泣元
家病柿葉紅時獨自來

自問

黑花滿眼絲滿頭
早衰因病病因愁
宦途氣味已
諸盡五十不休何日休

和韓侍郎題楊舍人林池見寄

渠水關流春凍解
風吹日炙不成凝
鳳池冷暖君
語在二月因何更有冰

送馮舍人閣老往襄陽

紫薇閣底送君回第二廳簾下不開莫戀漢南風
景好峴山花盡早歸來

酬韓侍郎張博士雨後遊曲江見寄

小園新種紅櫻樹間遶花枝便當遊何必更隨鞍
馬隊衝泥蹋曲江頭頭

惜小園花

曉來紅萼凋零盡但見空枝四五椽前日狂風昨
夜雨殘芳更合得存無

曲江憶李十一

李君歿後共誰遊柳岸荷亭兩度秋獨遶曲江行

唐音統籤

卷四百四十九

十一

三

丁

一匝依前還立水邊愁

青門柳

青青一樹傷心色曾入幾人離恨中爲近都門多
送別長條折盡減春風

梨園弟子

白頭垂淚語梨園五十年前雨露恩莫問華清今
日事滿山紅葉鎖宮門

暮江吟

一道殘陽鋪水中半江瑟瑟半江紅可憐九月初
三夜露似真珠月似弓

思婦睂

春風搖蕩自東來折盡櫻桃綻盡梅
惟餘思婦愁
眉結無限春風吹不開

空閨怨

寒月沉沉洞房靜真珠簾外梧桐影
秋霜欲下手
先知燈底裁縫剪刀冷

秋房夜

雲霧青天月漏光中庭立久却歸房
水窗席冷未
能臥挑盡殘燈秋夜長

採蓮曲

菱葉縈波荷颭風荷花深處小船通逢郎欲語低
頭笑碧玉搔頭落水中

隣女

娉婷十五勝天仙白日短娥旱地蓮何處聞教鸚
鵡語碧紗牕下繡床前

閨婦

斜凭繡牀愁不動紅綃帶緩綠鬟低遼陽春盡無
消息夜合花前日又西

移牡丹栽

金錢買得牡丹栽何處辭叢別主來紅芳堪惜還

堪恨百處移將百處開

聽夜箏有感

江州去日聽箏夜白髮新生不願聞如今況是頭
成雪彈到天明亦任君

琵琶

絃清撥刺語錚錚背却殘燈就月明賴是心無恫
悵事不然爭奈子絃聲

和殷協律琴思

秋水蓮冠春草裙依稀風調似文君煩君五指分
明語知是琴心佯不聞

聽彈湘妃怨

玉軫朱絃瑟瑟微吳娃徵調奏湘妃分明曲裏愁

雲雨似道蕭蕭郎不歸

江南新詞有云暮雨蕭蕭郎不歸

赴杭州重宿棣華驛見楊八舊詩感題一絕
往恨今愁應不殊題詩梁下又踟躕羨君猶夢見
兄弟我到天明睡亦無

寓言題僧

劫風火起燒荒宅苦海波生蕩破船力小無因救
焚溺清涼山下且安禪

內鄉縣村路作

日下風高野路涼，緩驅疲馬闡思鄉。
渭村秋物應如此，棗赤梨紅稻穗黃。

虛白堂

虛白堂前衙退後，更無一事到中心。
移牀就月簷間臥，臥詠閒詩側枕琴。

題靈隱寺紅辛夷花戲翮光上人

紫粉筆含尖，火焰紅臙脂。
染小蓮花芳，情鄉思知多少。
惱得山僧悔出家。

候仙亭同諸客醉作

謝安山下空携妓，柳惲洲邊只賦詩。
爭及湖亭今

日會嘲花詠水贈蛾眉

送李校書赴寒食歸義興山居

大見騰騰詩酒客不憂生計似君稀到舍將何作
寒食滿船唯載樹栽歸

獨行

聞誦黃庭經在口閒携青竹杖隨身晚花新筍堪
爲伴獨入林行不要人

戲題木蘭花

紫房日照臘脂拆素艷風吹膩粉開怪得獨饒脂
粉態木蘭曾作女郎來

湖中自照

重重照影看容鬢不見朱顏見白絲
失却少年無覓處泥他湖水欲何爲

樟亭雙櫻樹

南館西軒兩樹櫻春條長足夏陰成
素華朱實今雖盡碧葉風來別有情

木芙蓉花下招客飲

晚涼思飲兩三杯召得江頭酒客來
莫怕秋無伴醉物水蓮花盡木蓮開

重酬周判官

唐音統籤

卷四百四十九

十五

二六六

秋愛冷吟春愛醉詩家眷屬酒家仙若教早被浮
名繫可得閒遊三十年

代賣薪女贈諸妓

亂蓬爲鬢布爲巾曉蹋寒山自負薪一種錢塘江
畔女着紅騎馬是何人

予以長慶二年冬十月到杭州明年秋九月
始與范陽盧賈汝南周元範蘭陵蕭悅清河
崔求東萊劉方興同遊恩德寺之泉洞竹石
籍甚久矣及茲目擊果愜心期因自嗟云到
郡周歲方來入寺半日復去俯視朱綬仰睇

白雲有愧於心遂留絕句

雲水埋藏恩德洞簪裾束縛使君身慙來不宿歸
州去應被山呼作俗人

題清頭陀

頭陀獨宿寺西峯百尺禪菴半夜鐘烟月蒼蒼風
瑟瑟更無雜樹對山松

自歎二首

形羸自覺朝食減睡少偏知夜漏長實事漸消虛
事在銀魚金帶遶腰光

二毛曉落梳頭懶兩眼春昏點藥頻唯有閒行猶

八音集卷之六
三六
獨在心情未到不如人

竹樓宿

小書樓下千竿竹深火爐前一盞燈此處與誰相
伴宿燒丹道士坐禪僧

戲醉客

莫言魯國書生懦莫把杭州刺史欺醉客請君開
眼望綠楊風下有紅旗

紫陽花

招賢寺有山花一樹無人知名色紫
氣香芳麗可愛頗類仙物因以紫陽

花名
之

何年植向仙壇上早晚移栽到梵家雖在人間人

不識與君名作紫陽花

丁籤九十三白居易之五十一

唐音統籤卷四百五十

七言絕句四後集

問楊瓊

古人唱歌兼唱情今人唱歌唯唱聲欲說向君君
不會試將此語問楊瓊

吳宮辭

淡紅花帳淺檀蛾睡臉初開似剪波坐對珠籠閒
理曲琵琶鸚鵡語相和

荅微之上船後留別

燭下尊前一分手舟中岸上兩迴頭歸來虛白堂

中夢合眼先應到越州

荅微之泊西陵驛見寄

烟波盡處一點白應是西陵古驛臺
知在臺邊望不見暮潮空送渡船迴

自感

宴遊寢食漸無味杯酒管絃徒繞身
賓客歡娛僮僕飽始知官職爲他人

柳絮

三月盡時頭白日與春老別更依依
憑鶯爲向楊花道絆惹春風莫放歸

醉戲諸妓

席上爭飛使君酒歌中多唱舍人詩不知明月休
宮後逐我東山去是誰

潮

早潮纔落晚潮來一月周流六十回不獨光陰
復暮杭州老去被潮催

聞歌妓唱嚴郎中詩因以絕句寄之
已留舊政布中和又付新詞與艷歌但是人
遺愛就中蘇小感恩多

急樂世辭

正抽碧線織紅羅忽聽黃鶯歛翠蛾秋思冬愁春
悵堯大都不稱意時多

重寄別微之

憑仗江波寄一辭不須惆悵報微之猶勝往歲峽
中別灑瀕堆邊招手時

別周軍事

主人頭白官仍冷去後憐君是底人試謁會稽元
相去不妨相見却殷勤

看常州柘枝贈賈使君

莫惜新衣舞柘枝也從塵汚汗霑垂料君卽却歸

朝去不見銀泥衫故時

河陰夜泊憶微之

憶君我正泊行舟
望我君應上郡樓
萬里月明同此夜
黃河東面海西頭

杭州迴舫

自別錢塘山水後
不多飲酒懶吟詩
欲將此意憑迴棹
與報西湖風月知

愛詠詩

辭章諷詠成千首
心行歸依向一乘
坐倚繩床閒自念
前生應是一詩僧

臥疾

閒官臥疾絕經過居處蕭條近洛河水北水南秋
月夜管絃聲少杵聲多

酬楊八

君以曠懷宜靜境我因蹇步稱閒官閉門足病非
高士勞作雲心鶴眼看

夢行簡

天氣妍和水色鮮閒吟獨步小橋邊池塘草綠無
佳句虛臥春窗夢阿連

雲和

非琴非瑟亦非箏撥柱推絃調未成欲散白頭千
萬恨只消紅袖兩三聲

春老

欲隨年少強遊春自覺風光不屬身歌舞屏風花
障上幾時曾盡白頭人

春雪過皇甫家

晚來盤舉雪中回喜遇君家門正開唯要主人青
眼待琴詩談笑自將來

崔侍御以孩子三目示其所生詩見示因以
二絕和之

洞房門上挂柔弧香水盆中浴鳳雛還似初生三
日魄嫦娥滿月卽成珠

愛惜肯將同寶玉喜歡應勝得王侯弄璋詩句多
才思愁殺無兒老鄧攸

晚春寄微之并崔湖州

洛陽陌上少交親履道城邊欲暮春崔在吳興元
在越出門騎馬覓何人

吟前篇因寄微之

君顏貴茂不清羸君句雄華不苦悲何事遣君還
似我髭鬚早白亦無兒

東城桂三首 并序

蘇之東城古吳都城也今爲樵牧之場有桂一株生乎城下惜其不得地因賦三絕句以唁之

子墮本從天竺寺根盤今在闔閭城當時應逐南

風落落向人間敗次生

舊說杭州天竺寺每歲秋中有月桂子墮

霜雪壓多雖不效荆榛長疾欲相埋長憂落在樵
人手賣作蘇州一束柴

遙知天上桂花孤試問嫦娥更要無月宮幸有閒
田地何不中央種兩株

新栽梅

池邊新種七株梅欲到花時點檢來莫怕長洲桃

李妬今年好爲使君開

戲和賈常州醉中二絕句

聞道毘陵詩酒興
近來積漸學姑蘇
罨頭新令從
偷去刮骨清吟得似無

越調管吹留客曲
吳吟詩送煖寒杯
娃宮無限風
流事好遺孫心誓學來

清明夜

好風隴月清明夜
碧砌紅軒刺史家
獨遶迴廊行
復歇遙聽絃管暗看花

三月二十八日贈周判官

一春惆悵殘三日醉問周郎憶得無柳絮送人鶯
勸酒去年今日別東都

酬別周從事二首

腰痛拜迎人客倦眼昏勾押簿書難辭官歸去緣
衰病莫作陶潛范蠡看

洛下田園久拋擲吳中歌酒莫留連嵩陽雲樹伊
川月已校歸遲四五年

見小姪龜兒咏燈詩并臘娘製衣因寄行簡
已知臘子能裁服復報龜兒解咏燈巧婦才人常
薄命莫教男女苦多能

寫新詩寄微之偶題卷後

寫了吟看滿卷愁淺紅牋紙小銀鈎未容寄與微
之去已被人傳到越州

寶曆二年八月三十日夜夢後作

塵纓忽解誠堪喜世網重來未可知莫忘全吳館
中夢嶺南泥雨步行時

與夢得同登棲靈塔

半月悠悠在廣陵何樓何塔不同登共憐筋力猶
堪在上到棲靈第九層

夢蘇州水閣寄馮侍御

揚州驛裏夢蘇州夢到花橋水閣頭覺後不知馮
侍御此中昨夜共誰遊

荅次休上人

來篇云聞有餘霞千萬
首何妨一句乞聞人

姓白使君無麗句名休座主有新文禪心不合生
分別莫愛餘霞嫌碧雲

思子臺有感二首

凡題思子臺者皆罪江充
予觀禍胎不獨在此偶以

二絕
辨之

曾家機上聞投杼尹氏園中見掇蜂但以恩情生
隙罅何人不解作江充

闇生魍魅蝨生蟲何異讒生疑阻中但使武皇心

似燭江充不敢作江充

和郭使君題枸杞

山陽太守政嚴明吏靜人安無犬驚不知靈藥根
成狗怪得時聞吠夜聲

祕省後廳

槐花雨潤新秋地桐葉風翻欲夜天盡日後廳無
一事白頭老監枕書眠

登觀音臺望城

百千家似圍碁局十二街如種菜畦遙認微微入
朝火一條星宿五門西

登靈應臺北望

臨高始見人寰小對遠方知色界空
回首却歸朝市去一稊米落太倉中

開出

兀兀出門何處去新昌街晚樹陰斜
馬蹄知意緣行熟不向楊家卽康家

奉使塗中戲贈張常侍

早風吹土滿長衢驛騎星軺盡疾驅
共笑籃舁亦稱使日馳一驛向東都

種白蓮

吳中白藕洛中栽，莫戀江南花懶開。
萬里携歸爾知否，紅蕉朱槿不將來。

和劉郎中傷鄂姬

不獨君嗟我亦嗟，西風北雪殺南花。
不知月夜魂歸處，鸚鵡洲頭第幾家。

姬鄂人也

雪中寄令狐相公兼呈夢得

兔園春雪梁王會，想對金罍詠玉塵。
今日相如身在此，不知客又坐何人。

有雙鶴留在洛中，忽見劉郎中依然鳴。顧劉
因爲鶴歎二篇寄予，予以二絕句荅之。

辭鄉遠隔華亭水逐我來棲緱嶺雲慙愧稻梁
不飽未曾迴眼向雞羣

荒草院中池水畔銜恩不去又經春見君驚喜雙
回顧應爲吟聲似主人

宿寶使君莊水亭

使君何在在江東池柳初黃杏欲紅有興卽來閒
便宿不知誰是主人翁

龍門下作

龍門澗下濯塵纓擬作閒人過此生筋力不將諸
處用登山臨水詠詩行

姚侍御見過戲贈

晚起春寒慵裹頭，客來池上偶同遊。
東臺御史多提舉，莫按金章繫布裘。

和錢華州題少華清光絕句

高情雅韻三峯守，主領清光管白雲。
自笑亦曾爲刺史，蘇州肥膩不如君。

送陝府王大夫

金馬門前回劍佩，鐵牛城下擁旌旗。
他時萬一爲交代，留取甘棠三兩枝。

代迎春花招劉郎中

幸與松筠相近栽不隨桃李一時開杏園豈敢妨
君去未有花時且看來

翫迎春花贈楊郎中

金英翠萼帶春寒黃色花中有幾般憑君語向遊
人道莫作蔓菁花眼看

座中贈盧判官

把酒承花花落頻花香酒味相和春莫言不是江
南會虛白亭中舊主人

曲江有感

曲江西岸又春風萬樹花前一老翁遇酒逢花還

且醉若論惆悵事何窮

杏園花下贈劉郎中

怪君把酒偏惆悵曾是貞元花下人
自別花來多
少事東風二十四回春

伊州

老去將何散老愁新教小玉唱伊州
亦應不得多年聽未教成時已白頭

酬嚴給事

聞唐昌觀玉蕊花下有遊仙絕句

羸女偷乘鳳去時洞中潛歇弄瓊枝
不緣啼鳥春
饒舌青瑣仙郎可得知

百歲無多時壯健一春能幾日
清明相逢且莫推

辭醉聽唱陽關第四聲

第四聲勸君更盡一盃
酒西出陽關無故人

昨日低眉問疾來
今朝收淚弔人回
眼前流例君
看取且遣琵琶送一杯

僧院花

欲悟色空爲佛事故栽芳樹
在僧家細看便是華嚴偈
方便風開智慧花

不出

簷前新葉覆殘花
席上餘盃對早茶
好是老身銷日處
誰能騎馬傍人家

老病

晝聽笙歌夜醉眠若非月下卽花前如今老病須
知分不負春來二十年

憶晦叔

遊山弄水携詩卷看月尋花把酒盃六事盡思君
作伴幾時歸到洛陽來

琴酒

耳根得聽琴初暢心地忘機酒半酣若使啓期兼
解醉應言四樂不言三

聽幽蘭

琴中古曲是幽蘭爲我慙慙更弄看欲得身心俱
靜好自彈不及聽人彈

元相公挽詞三首

銘旌官重威儀盛騎吹聲繁國簿長後魏帝孫唐
宰相六年七月葬咸陽

墓門已閉笳簫去唯有夫人哭不休蒼蒼露草咸
陽隴此是千秋第一秋

送葬萬人皆慘澹反虞駟馬亦悲鳴琴書劍珮誰
收拾三歲遺孤新學行

送客

病上盤輿相送來，衰容秋思兩悠哉。
涼風嫋嫋吹槐子，却請行人勸一盃。

戲荅皇甫監

時皇甫監初喪偶

寒宵勸酒君須飲，君是孤眠七十身。
莫道非人身不煖，十分一盞煖於人。

池邊卽事

穩帳胡琴出塞曲，蘭塘越棹弄潮聲。
何言此處同風月，薊北江南萬里情。